

Inatsisissatut siunnersuummut nassuiaatit

Nassuiaatit nalinginnaasut**1. Aallaqqaasiut**

Allannguutissatut siunnersuummi Siusinaartumik pensionisiat pillugit Inatsisartut inatsisaanni nr. 40, 9. december 2015-imeersumi, kingusinnerusukkullu allanngortinneqartumi, aalajangersakkat erseqqissaaffiginissaat siunertarineqarpoq, taamaalilluni Inatsisartut inatsisaat siunertaareersunut naapertuuttumik nassuiarneqarniassammat.

Assersuutigalugu Inatsisartut inatsisaanni § 10 aamma § 39 imminnut naapertuutinngillat, tamatumalu Siusinaartumik pensionisiaqarnermut maalaaruteqartarfiup siusinaartumik pensionisiaqarsinnaanermut itigartitsinerit pillugit maalaarutit nalinginnaasumik suliarisarsimavai, naak Siusinaartumik pensionisiaqarnermut maalaaruteqartarfiup sulisinnaassuseq pillugu aalajangiinerit pillugit maalaarutit kisiisa suliarisartussaagalarai Inatsisartut inatsisaanni siunertaasimagaluartoq.

2. Siunnersuummi immikkoortut pingaarnertit

Siusinaartumik pensionisiat pillugit Inatsisartut inatsisaata nr. 40, 9. december 2015-imeersup allanngortinnissaa pillugu siunnersuut manna §§ 8, 9, 19 aamma 39-imi aalajangersakkat allanngortinneqarnerannik imaqarpoq.

Kapitali 3-mi aalajangersakkat siunnersuuteqartoqarneratigut avinneqassapput, taamaalilluni § 8-mi qulaajaanertit pillugit malittarisassat pineqassallutik, aammalu § 9-milu piginnaangorsaqqinnerit pillugit malittarisassat pineqassallutik.

Tamatuma saniatigut siusinnerusukkut § 9, imm. 1-iusimasoq allanngortinneqassasoq siunnersuutigineqarpoq, taamaalilluni siusinaartumik pensionisiaqarnissamik qinnuteqartut piginnaangorsaqqinneqartarnissaannik aallaaviusup avaqqunneqarsinnaanera pillugu aalajangersakkap imaqarnera erseqqissaavigineqarluni. Taamaattoq inuit matumani pineqartut kingusinnerusukkut piginnaangorsaqqinnissaminnut periarfissaqassapput, tassami inunnut taakkununga suliani, massakkuugallartoq piginnaangorsaqqinnissaq siunertarisamut naleqqutinngitsutut aalajangiiffigineqartuni, aalajangiinerup kingorna kingusinnerpaamik ukiup 1-p qaangiunnerani nalilersorneqaaqqinnissaat pillugu aalajangersakkamik ikkussisoqarmat. Inuit tamakkiisumik ilaannakoortumilluunniit sulisinnaassuseqanngikkallartut pisariaqartitaat pillugit kommunit ingerlaavartumik nalilersuisarnissaat taamaaliornikut qulakkeerneqarnissaa siunertarineqarpoq.

§ 19 malillugu siusinaartumik pensionisialik siusinaartumik pensionisianik qaffasinnerpaanik tunigallarneqarsinnaavoq, naak pineqartup sulisinnaassusiata taamaattoqarnissaa

pissutissinngikkaluaraa. Suliffissat naleqquttunik akissarsiaqarfiusinnaasut najukkami pissutsit pissutigalugit nassaassaanninnerat pissutigalugu tamanna pisinnaavoq.

Aalajangersakkap oqaasertaanik allanngortitsineq siunnersuutip matuma imaraa, taamaalilluni pensionisiat qaffasinnerpaat nalinginik siusinaartumik pensionisiaqartitsigallarnek pineqarunnaarpoq, kisiannili tassunga taarsiullugu siusinaartumik pensionisiallit maannakkorpiaq aningaasarsiaasa aamma qaffasinnerpaamik siusinaartumik pensionisiat nikingassutaasa nalinginik tapisiaqartitsisoqalerluni. Tapi utaqqiisaagallarpoq annerpaamillu ukioq ataasikkaarlugu tunniuneqartassalluni.

Sulisinnaassutsimut naliliinerit pillugit naammagittaalliuutit kisimik Siusinaartumik pensionisiaqarnermut Maalaaruteqartarfimmiit suliarineqartassasut § 39, imm. 2-mi erseqqissaatigineqassasoq aalajangersakkakkut siunnersuutigineqarpoq. Inatsit naapertorlugu kommunalbestyrelsimit aalajangerneqartut allat § 39, imm. 1 naapertorlugu Isumaginninnermi Naammagittaalliuuteqartarfimmut naammagittaalliuutigineqarsinnaanerit allanngortinneqassanngitsoq siunnersuutaavoq. Taamaaliornikkut aalajangersagaq massakkut nassuiaatinut atuuttunut aamma § 10-mi siunertarineqartumut naapertuuttunngusaaq.

§ 39, imm. 2-mi naammagittaalliornissamut piffissaliussaq Isumaginninnermi Naammagittaalliuuteqartarfimmut naammagittaalliuutit suliarineqartarneri pillugit nalinginnaasumik piffissaliussat malillugit allanngortinneqassaaq.

Inatsisissatut siunnersuut inatsillu atuuttoq ataatsimoortillugit	
<i>Oqaasertaliussat atuuttut</i>	<i>Inatsisissatut siunnersuut</i>
	§1 Siusinaartumik pensionisiat pillugit Inatsisartut inatsisaanni nr. 40-mi, 9. december 2015-imeersumi, kingullermik Inatsisartut inatsisaatsisaanni nr. 28, 28. november 2019-imeersumi allanngortinneqartumi ima allannguisoqassaaq:

<p style="text-align: center;">Kapitali 3</p> <p style="text-align: center;"><i>Siusinaartumik pensioneqalersinnaanermut qinnuteqarneq, qulaajaavigineqarneq sulilersitsiniaanerlu</i></p> <p>§ 8. Siusinaartumik pensionisiaqalersitsisinnaanerup isummerfiginnginnerani, sutigut tamatigut qulaajaanikkut misissuiffigineqassaaq, ilumut qinnuteqaateqartoq sulileqqissinnaanissaa siunertaralugu suliniuteqartoqarsinnaanersoq, taamaattorli takujuk § 9, imm. 2.</p> <p><i>Imm. 2.</i> Qinnuteqaateqartoq qulaajaaffigineqassaaq. Qulaajaanermilu ersersinniarneqassallutik qinnuteqaateqartup piginnaasai, ilumut qinnuteqaateqartup sulisinnaalernissaaq siunertaralugu suliniuteqarfigineqarnermigut sulisinnaassutsini tamakkerlugu imaluunniit ilaannakortumik pissarsiareqqissinnaaneraa.</p> <p><i>Imm. 3.</i> Kommunalbestyrelsip qulaajaasoqarneranut atatillugu nalilersimassappagu, sulisinnaassuseq inuup pineqartup immikkut suliniuteqarfigineqarneratigut ineriartortinneqarsinnaasoq, taava kommunalbestyrelse tamatuminnga aalajangiissaaq qinnuteqartorlu piginnaanngorsaaqqinnissamut innersuullugu.</p> <p><i>Imm. 4.</i> Ataatsimiigiasuqsinermut aggersaanermut najuutinngitsoornermi aamma qulaajaaffigineqarnermi imaluunniit piginnaanngorsarneqarnermi peqataanngitsoqartillugu kingunerisassanik Naalakkersuisut malittarisassanik ersarinnerusunik aalajangersaasinnaapput.</p> <p>§ 9. Inuit utaqqiisaagallartumik sulisinnaassutsimikkut annikillisisimasut piginnaanngorsaanermik ingerlatsissanngillat, qulaajaavigineqarnerup takutippagu</p>	<p>1. Kapitali 3 ima oqaasertalerneqassaaq:</p> <p style="text-align: center;">“Kapitali 3</p> <p style="text-align: center;"><i>Qulaajaaneq aamma piginnaanngorsaaqqinneq</i></p> <p>§ 8. Qinnuteqartoq sulisinnaassutsimi ilaanik suli pigisaqaqqilersinnaanersoq paasiumallugu, siusinaartumik pensionisiaqalersitsinissap isummerfiginnginnerani periarfissat suliamut attuumassuteqartut tamarmik misissorneqassapput.</p> <p><i>Imm. 2.</i> Siusinaartumik pensionisiaqarnissamik qinnuteqartut tamarmik qulaajaaffigineqassapput. Qulaajaanermi qinnuteqartup isumalluutai misissuiffigineqassapput, qinnuteqartullu piginnaanngorsaaqqinnermik ingerlataqarnermigut sulisinnaassutsini tamakkerlugu sulisinnaassutsilluunniit ilaa angoqqissinnaaneraa aalajangiivigineqassaaq.</p> <p><i>Imm. 3.</i> Qulaajaanernut piginnaanngorsaaqqinnernulluunniit najuutinnginnermut aamma peqataannginnermut kinguneqartitsinissat pillugit malittarisassanik erseqqinnerusunik Naalakkersuisut aalajangersaasinnaapput.</p> <p>§ 9. Sulisinnaassuseq inuup pineqartup immikkut suliniuteqarfigineqarneratigut ineriartortinneqarsinnaasoq kommunalbestyrelsip qulaajaasoqarneranut atatillugu nalilersimappagu, taava kommunalbestyrelse tamanna pillugu aalajangiissaaq qinnuteqartorlu piginnaanngorsaaqqinnissamut innersuullugu.</p> <p><i>Imm. 2.</i> Inummut ataatsimut naleqqussakkamik piginnaanngorsaaqqinnissamik ingerlatsineq aqqutigalugu sulisinnaassuseq massakkuugallartuq</p>
---	--

maannakkut piginnaangorsaaneq
neriunaateqanngitsoq aamma
sulisinnaassuseq
pitsanngortinneqarsinnaanngitsoq.
Imm. 2. Piginnaangorsaaneq
pissanngilaq uppersarneqarpat,
imaluunniit pissutsit immikkuullarissut
tunulequtaralugit ersarippat, pineqartoq
sulisinnaassuseqanngitsoq siunissamilu
sulisinnaassusaa
ineriartortinneqarsinnaassanngitsoq.

ineriartortinneqarsinnaanngitsoq
kommunalbestyrelserip nalilerpagu, taava
paasissutissat tigummeneqareersut
tunngavigalugit piginnaangorsaqqinnermik
ingerlatsinerup kinguartinneqarnissaa
aamma siusinaartumik
pensionisiaqartitsinissaq pillugu
kommunalbestyrelse aalajangiissaaq.
Piginnaangorsaqqinnermik ingerlatsinissap
kinguartinneqarnissaa pillugu
aalajangiinerup kingorna,
kingusinnerpaamik ukiup 1-p
qaangiunnerani, kommunalbestyrelserip suliaq
nalilersoqqissavaa.
Imm. 3. Qinnuteqartoq
sulisinnaassuseqanngitsoq, piffissamilu
ungasinnerusumi sulisinnaassutsiminik
ineriartortitsinissanngitsoq qulaajaanermut
atatillugu uppersarneqarpat imaluunniit
immikkorluinnaq pissutsit
takutissinnaapassuk
piginnaangorsaqqinnissaq
ingerlanneqaqqaanngikkaluartoq
siusinaartumik pensionisiaqartitsinissaq
pillugu kommunalbestyrelse
aalajangiisinnavaoq.”

<p>§ 13, imm. 5 <i>Imm. 5.</i> Sulisinnaassutsip naliliiffigineqaqqinnissaa pinngitsoorneqarsinnaavoq, innuttaasoq § 9 imm. 2-mut pineqartunut ilaasutut naliliiffigineqarsimassappat aammalu ilimanaateqarsimappat sulisinnaassutsip tamakkiisumik ilaannakortumilluunniit pissarsiareqqissinnaassagaa.</p>	<p>2. § 13, imm. 5, ima oqaasertalerneqassaaq: “<i>Imm. 5.</i> Innuttaasoq § 9 imm. 3-mut pineqartunut ilaappat, sulisinnaassutsip naliliiffigineqaqqinnissaa pinngitsoorneqarsinnaavoq.”</p>
<p>§ 19, imm. 1 § 17 naapertorlugu qaffasinnerpaamik siusinaartumik pensionisiaqartitsineq immikkut pisoqartillugu, naleqquttumik akissarsiaqarfiusumik suliffeqalernissamut piffissami ikaarsaarfiusumi, akuersissutigineqarsinnaavoq sivilunerpaamik ukiut ataasiakkaarlugit, naak siusinaartumik pensionisiaqartoq sulisinnaassutsimigut qaffasinnerpaamik siusinaartumik pensionisiaqarnissamut pisinnaatitsinngikkaluortoq. Tamanna immikkut pissutsini atuutissaaq najugaqarfisami naleqquttumik akissarsiaqarfiusumik siusinaartumik pensionisiaqartoq suliffissaqartinneqanngippat. Siusinaartumik pensionisiaqartoq naleqquttumik suliffissarsinnaanissaa imaluunniit suliffimmik naleqquttumik pilersitsinissaq ingerlaavartumik periarfissarsiuussissalluni kommunalbestyrelsi pisussaaffigaa.</p>	<p>3. § 19, imm. 1, ima oqaasertalerneqassaaq: "Siusinaartumik sulisinnaajunnaarnersiutillit §§ 15 aamma 16 malillugit siusinaartumik pensionisianik tunineqarsimasut massakkut aningaasarsiarineqartut aamma siusinaartumik pensionisiat tunniunneqartartut qaffasinnerpaat akornanni nikingassummut naapertuuttumik sivilunerpaamik ukiut ataasiakkaarlugit tapinik tunineqarsinnaapput. Matumani immikkorluinnaq pissutsit atuupput, tassalu siusinaartumik sulisinnaajunnaarnersiutilimmut pineqartumut najukkami naammattumik isertitaqarfiusinnaasumik suliffissamik nassaassaqartoqarsinnaatinnagu. Siusinaartumik sulisinnaajunnaarnersiutilimmut pineqartumut suliffissamik nassaarniarnissamut imaluunniit pilersitsinissamut periarfissanik nassaarniartuarnissamik kommunalbestyrelsi pisussaaffeqarpoq."</p>
<p>§ 19, imm. 3 <i>Imm. 3.</i> Siusinaartumik sulisinnaajunnaarnersiutinut annertunerpaanut akuersissuteqarneq atorunnaassaaq siusinaartumik pensionisiat annertunerpaat akuersissutiginnissaannut tunngavimusasoq pigineqarunnaarsimappat imaluunniit imm. 2 malillugu siusinaartumik</p>	<p>4. § 19, imm. 3, ima oqaasertalerneqassaaq: ”<i>Imm. 3.</i> Tapit imm. 1 malillugu akuersissutigineqartut atorunnaassapput tapiissuteqarnissamut tunngavigineqarallartoq atorunnaarsimappat imaluunniit siusinaartumik pensionisialik imm. 2 malillugu suliffissamut innersuunneqartumut itigartitsisimappat."</p>

<p>pensionisialik suliffissamut innersuunneqartumut itigartitsisimappat.</p>	
<p>§ 39, imm. 2 <i>Imm. 2.</i> Siusinaartumik pensionisiaqartitsisarnermi isumasioqatigiit siusinaartumik pensionisiaqalersinnaanermut itigartitsilluni imaluunniit sulisinnaassutsip annertussusia pillugu naliliinerit nalileeqqilluniluunniit aalajangiinerat §§ 12 siusinaartumik pensionisiaqartitsisarneq pillugu maalaaruteqartarfimmut suliassanngorteqqinneqarsinnaapput. Innuttaasup aalajangiinermik tigusineranit sap.ak. sisamat qaangiutsinnagit naammagittaalliut siusinaartumik pensionisiaqartitsisarneq pillugu maalaaruteqartarfimmut apuutereersimassaaq.</p>	<p>5. § 39, <i>imm. 2</i>, ima oqaasertalerneqassaaq: "Imm 2. §§ 12 aamma 13 malillugit sulisinnaassutsip naliliiffigineratigut naliliiffigeqqinneratigullu sulisinnaassutsimut procentip aalajangersaaffigineqarnera pillugu kommunalbestyrelsip aalajangiineri Siusinaartumik pensionisiaqarnermut maalaaruteqartarfimmut maalaarutigineqarsinnaapput. Aalajangiinermiit sapaatit akunnerisa 6 iluanni maalaarut Siusinaartumik pensionisiaqarnermut maalaaruteqartarfimmut tunniunneqassaaq."</p>
	<p>6. § 39-imi <i>imm. 2-p</i> kingornagut immikkoortutut nutaatut ikkunneqassaaq: "Imm. 3. Siusinaartumik pensionisiaqartitsineq pillugu sulisinnaassutsip nalilerneqarneranut aamma pissutsit allat pillugit maalaarut imaqartoq, aallaaviatigut Siusinaartumik pensionisiaqarnermut maalaaruteqartarfimmit suliarineqassaaq."</p> <p><i>Imm. 3</i> matuma kingorna <i>imm. 4-nngorpoq.</i></p>
	<p>7. § 43, <i>imm. 1</i>, oqaaseqatigiinni siullerni, aamma § 43, <i>imm. 3-imi</i> "§ 9, <i>imm. 2</i>," ima allanngortinneqassaaq: "§ 9, <i>imm. 3</i>,".</p>
	<p style="text-align: center;">§ 2</p> <p>Inatsisartut inatsisaat 1. januar 2021 atuutilissaaq.</p>

3. Pisortanut aningaasaqarnikkut allaffissornikkullu kingunissai

Pisortanut aningaasaqarnikkut imaluunniit allaffissornikkut siunnersuut kinguneqassanngilaq.

4. Inuussutissarsiortunut aningaasaqarnikkut allaffissornikkullu kingunissai

Inuussutissarsiortunut aningaasaqarnikkut allaffissornikkulluunniit siunnersuut kinguneqassanngilaq.

5. Avatangiisinut, pinngortitamut inuillu peqqissusiannut kingunissai

Siunnersuut avatangiisinut, pinngortitamut imaluunniit inuit peqqissusaannut kinguneqassanngilaq.

6. Innuttaasunut kingunissai

Innutaasut siusinaartumik pensionisiaqalersinneqartut sulisinnaassutsiminnilli ineriartortitsinissaminnut imaluunniit sulisinnaassuseqaqqilernissamik periarfissallit ingerlaavartumik nalilersuiffigineqartarnissaat siunnersuummi pingaarnertut qulakkeerneqassaaq.

7. Kingunissat annertuut allat

Siunnersuut annertuunik allanik kinguneqartitsinngilaq.

8. Tusarniaaneq

Piffissami 17. april 2020-miit 15. maj 2020-mut www.naalackersuisut.gl -imi tusarniaanermut nittartakkami siunnersuut tamanut saqqummiunneqarsimavoq, aamma tamatuma peqatigisaanik tusarniaavigineqartartunut ukununga tusarniaatigineqarluni:

Avannaata Kommunia, Kommune Qeqertalik, Qeqqata Kommunia, Kommuneqarfik Sermersooq, Kommune Kujalleq, Isumaginninnermi Naammagittaalliuuteqartarfik, Siusinaartumik pensionisiaqarnermut Maalaaruteqartarfik, Inuit pisinnaatitaaffii pillugit Siunnersuisoqatigiit, Inuit pisinnaatitaaffiinut Institutti, Meeqqat Illersuisuat MIO, Peqatigiiffik Kalaallit Meerartaat, MIBB (Meeqqat inuunerissut), Sorlak (Kalaallit Nunaanni meeqqanut inuusuttunullu siunnersuisoqatigiiffik), Tilioq/Inuit innarluutillit illersuisuat, INOOQAT/Kalaallit Nunaanni angajoqqaat ineriartornermigut akornutilimmik meerallit peqatigiiffiat, Nunatsinni Inuit Innarluutillit Kattuffiat, ISI - Kalaallit Nunaanni tappiitsut isigiarsuttullu peqatigiiffiat, KTK (Kalaallit nunaanni tusilartut kattuffiat), Landsforeningen Autisme, Kalaallit Nunaanni immikkoortortaq, Kattuffik Utoqqaat Nipaat, Angajoqqaatigiit (Angajoqqaat ADHD-ertunik autisimeqartunillu meerallit peqatigiiffiat, Neriuffik Kattuffiat, KNIPK (Kalaallit Nunaanni Innarluutillit Piginnaanikitsut Kattuffiat), Sugisaq (Tarnikkut eqqarsartaatsikkullu napparsimasut ilaqutaasullu peqatigiiffiat), Kalaallit Røde Korsiat, Sulisitsisut, SIK (Sulisartut Kattuffiat), Aarhusimi Kalaallit Illuutaat, Odensimi Kalaallit Illuutaat, Aalborgimi Kalaallit Illuutaat aamma Københavnimi Kalaallit Illuutaat.

Tulliuttut tusarniaassummut akissuteqarsimapput:

Tilioq, Kommuneqarfik Sermersooq, Qeqqata Kommunia, KNIPK, Inuit pisinnaatitaaffiitut Institutti, Siusinaartumik pensionisiaqarnermut Maalaaruteqartarfik, Avannaata Kommunia, Kommune Kujalleq aamma Sulisitsisut.

Tulliuttut oqaaseqaateqanngillat:

Inuit pisinnaatitaaffiitut Institutti, Avannaata Kommunia aamma Sulisitsisut.

Tusarniaanermut akissutit pillugit allakkiami tusarniaanermut akissutit nassuiaavigineqarput.

Inatsimmi aalajangersakkanut ataasiakkaanut nassuiaatit

§ 1-imut

Nr. 1

"Kapitali 3"-imi qulequtarineqartoq "Qulaajaanermik ingerlatsineq aamma piginnaangorsaqqiineq"-nngorlugu erseqqissarneqarpoq.

§ 8-mut

Imm. 1-imut

Siusinaartumik pensionisiaqartitsinissaq pillugu kommunalbestyrelsip aalajangiinissaa sioqqullugu, qinnuteqartup sulisinnaassutsiminik angusaqaqqissinnaanera pillugu qulaajaanissamik misissuinissamillu kommunalbestyrelse pisussaaffeqartoq aalajangersakkami aalajangersarneqarpoq. Periarfissat tamarmik misissuiffigineqassapput.

Periarfissani attuumassutilinni assersuutaasinnaapput piginnaangorsaqqinneq, eqaannerusumik suliffeqarnerit allatullu suliniutit piginnaasaqalersitsiffiusut. Siusinaartumik pensionisiaqalernissamik qinnuteqartup sulisinnaassutsiminik ineriartortitsinissaanut ikiorneqarnissaa siunertaralugu sulissuteqarnerit tamakkiisut aallartinneqassapput. Qinnuteqartup imminnut tamakkiisumik ilaannakuusumilluunniit pilersulersinnaanissaanut tunngavissanik pitsaanerpaanik tunineqarnissaa anguniarneqarpoq.

Imm. 2-mut

Siumut sammisumik ingerlariaqqinnissamut qulaajaaneq pingaaruteqarmat, siusinaartumik pensionisiaqalernissamut qinnuteqartut tamarmik qulaajaanermik ingerlatsinissamik pisussaaffeqartut aalajangersakkami aalajangersarneqarpoq. Siunertamut naleqquttut kommunalbestyrelsip naatsorsuutigippagu, siusinaartumik pensionisiaqalernissamik qinnuteqartup piginnaangorsaqqinnissamut innersuunneqarnissaa tamatumunnga pissutaavoq.

Qulaajaasoqarnerani kommune sulisinnaassuseq pillugu aallarnersaataasumik nalilersuineramik nalilersuigallarnermillu suliaqassaaq. Siusinaartumik pensionisiallip nukissai piukkunnassusialu misissuiffiginissaat qulaajaanermi siunertaavoq.

Isumalluutit taakku suiffeqarfeqarfimmi qanoq atorluarneqarsinnaanersut siusinaartumik pensionisiaqarnissamik qinnuteqartup isumalluutaanik ilisarititsissutip nassuiassavaa. Qinnuteqartup isumalluutaasa immikkut ukkatarinerisigut ukkatarinninneq allangorsinnaavoq, taamaalilluni qinnuteqartup suliffeqarfeqarfimmut naleqqiullugu qanoq killeqartiginera aallaavigineqarunnaassalluni, paarlattuanilli qinnuteqartup qanoq suliffeqarfeqarfimmut iseqqinnissaanut periarfissai ilippannartut aallaaviussallutik.

Imm. 3-mut

Aalajangersagaq piginnaatitsissutitut aalajangersagaavoq, tassani qulaajaanernut piginnaangorsaaqqinneqarnernulluunniit najuutinnginnernut aamma peqataannginnernut kinguneqartitsinissat pillugit Naalakkersuisut erseqqinnerusunik malittarisassiornissaannut periarfissinneqarput.

Aalajangersagaq siusinnerusukku § 8, imm. 4-mut assinguvoq. Siusinaartumik pensionisiat pillugit Namminersorlutik Oqartussat nalunaarutaanni nr. 15, 30. juni 2016-imeersumi §§ 15 aamma 16-imi malittarisassanik erseqqinnerusunik aalajangersaasoqarpoq.

§ 9-mut

Imm. 1-imut

Sulisinnaassuseq tamanna aqqutigalugu ineriartortinneqarsinnaasoq kommunip naatsorsuutigippagu, qinnuteqartoq piginnaangorsaaqqinneqarnermik ingerlatsissasoq aalajangersakkap kinguneraa.

Qinnuteqartup kommunimilu oqartussat suleqatigiinnerisigut piginnaangorsaaqqinnissaq piareersarneqassasoq aalajangersakkami siunertarineqarpoq. Tamanna suliamik sunnuteqarluartumik sukkasuumillu suliarinninnissamik kinguneqassaaq, tassani ingerlatsinissap pitsaanerpaaffimmiinnissaa siunertaralugu qinnuteqartoq tamakkiisumik ingerlatsinissami ilanngutitinneqassalluni.

Qulaajaavigineqarnermit- aamma piginnaangorsaaqqinnermit ingerlatsineq tunngavigalugu siusinaartumik pensionisiaqalernissamut qinnuteqartup ilinniarnissamut suliffeqalernissamullu naleqqiullugu isumalluutai unammilligassaalu allaaserineqassapput. Uppernarsaasiinissamut piunasaqaat § 14-imi takuneqarsinnaavoq.

Piginnaangorsaaqqinnerit eqaannerusumillu suliffeqarnerit piginnaangorsaaqqinnissamut ikiorsiisarneq pillugu peqqussut malillugu ingerlanneqassapput.

Piginnaangorsaaqqiinnermut innersuunneqarnissamik aalajangiineq siusinaartumik pensionisiaqalernissamik qinnuteqarnermut tunngatillugu suliamik suliarinninnerup ilagaa. Ingerlatsinermi piviusumik suliaqarnermik tamanna isumaqarpoq, taamaammallu immikkut ittumik maalaarutigineqarsinnaanani.

Imm. 2-mut

Piginnaangorsaaqqinnikkut sulisinnaassutsip ineriartortinneqarnissaa pillugu misiliinissaq maannakkorpiaq iluaqutaanavianngitsoq qulaajaanerup takutippagu, piginnaangorsaaqqiineq pinngitsoortinneqarsinnaasoq aalajangersakkami aalajangersarneqarpoq.

Matumani qulaajaanerup nalaani paasinarsippat qinnuteqartoq piginnaangorsaaqqinnermik ingerlataqarsinnaangitsoq, kisianni qinnuteqartup atugarisai § 9, imm. 3-mi ilaangitsutut paasineqartut assersuutaasinnaapput.

Qinnuteqartup taamaalinerani piginnaangorsaqqinnermik ingerlatsisinnaanginneranut assersuutitut qinnuteqartup atonerluisuunera imaluunniit qinnuteqartup sivisuumik suliffeqarfeqarfimmiissimannginnera pissutaasinnaapput. Assersuutaasinnaasorlu alla tassaavoq qinnuteqartup sivisuumik napparsimasimanagera, taamaattoqarneralu pissutigalugu piffissami tassani piginnaangorsarnissaa naleqqukkunnaarsimalluni.

Piginnaangorsaqqinnissap kinguartikkallarnissaa pillugu aalajangiisoqarsimappat kommune ukioq ataaseq qaangiutsinnagu suliamut qinnuteqartumut tunngasumut nalileeqqissaaq, tamatumalu kingorna aalajangeeqqissalluni. Assersuutigalugu qaammatit arfinillit qaangiunnerisigut nutaamik naliliinissaq periarfissaavoq, aamma tamanna pillugu piginnaangorsaqqinnissamik kinguartitsinerup ukiumik 1-mik sivisussuseqarnissaa pillugu piumasaaqateqartoqanngilaq.

Piginnaangorsaqqinnerup kinguartikkallarnissaa pillugu aalajangiisoqarpat, paasissutissat pigineqartut tunngavigalugit siusinaartumik pensionisiaqartitsinissaq pillugu kommune aalajangiisinnaavoq.

Sulisinnaassuseq massakkuugallartuq ineriartortinneqarsinnaasoq nalileeqqinnikkut nalilerneqarpat, inummut immikkut piareersakkamik piginnaangorsaqqinnissamut innersuussinissaq pillugu aalajangiisoqassaaq.

Piginnaangorsaqqinneqarnissap kinguartikkallarnissaanik imaluunniit inummut immikkut piareersakkamik piginnaangorsaqqinnissamut innersuussinissaq aalajangiineq, suliamik suliarinninnerup ilagaa. Ingerlatsinermi piviusumik suliaqarnermik tamanna isumaqarpoq, taamaammallu immikkut ittumik maalaarutigineqarsinnaanani.

Imm. 3-mut

Qinnuteqartoq sulisinnaassuseqanngitsoq ersarilluinnarpat aamma qaquguluunniit sulisinnaassuseqaqqilernavianngitsoq naatsorsuutigineqarpat, piginnaangorsaqqinnissap pinngitsoortinneqarsinnaanera aalajangersakkakut erseqqissarneqarpoq.

Ersarilluinnartumik oqarnermi pineqarput inuit ima napparsimatigisut aamma ima piginnaanikillimatigisut, sulisinnaassusaannik naliliinissaq ineriartortitsinissarlunniit isumaqassanani, assersuutigalugu qaratsakkut annertuumik ajoqusersimanikkut, ineriartornermigut akornuteqalersimanikkut imaluunniit inuunerup sinnera sivikitsillugu.

Innuttaasunut ineriartornikkut akornuteqalersimanagerup kingunerisaanik annertuumik tarnimikkut piginnaanikitsunut, inunnut ilungersunartumik qaratsakkut ajoqusersimasunut imaluunniit silaqassutsimikkut annertuumik ajoqutilinnut kiisalu inunnut ilungersunartumik nappaateqartunut, tassani nakorsaait atorlugit katsorsaasoqarsinnaajunnaarsimassalluni imaluunniit periarfissaanani, aamma nappaatip qanoq pinissaanik missiliuineq malillugu

inuunerup sinnera sivikitsuinnaasussaalluni imaluunniit, nappaat sukkasuumik siaruariartortillugu, sulisinnaassutsip misilinneqarnissaa erseqqissumik siunertaqanngitsutut isigineqassaaq.

Piffissaq ungasinnerusooq isigalugu sulisinnaassutsip apparsimanerata pineqarnissaa pingaaruteqarpoq, matumani tarnikkut piginnaanikillissimaneq imaluunniit ineriartornikkut akornuteqarneq pissutigalugu, imaluunniit atornerluisuuneq assigisaanilluunniit pissutigalugu sulisinnaassuseqanngikkallarnejq ilanngullugit.

Nr. 2

Inuk pineqartoq § 9, imm. 3-mi taaneqartunut ilaappat, sulisinnaassutsimik nalilersueqqinneq pinngitsoortinneqarsinnaasoq aalajangersakkami aalajangersarneqarpoq.

Sulisinnaassutsip ukiut 5-kkaarlugit nalilersoqqinneqarnissaanut piunasaqaatip avaqqunneqarneqarsinnaanera pineqarpoq.

Inunnik § 9, imm. 3-mi ilaatinneqartunik piginnaangorsaqqiisoqartanngimmat imaluunniit sulisinnaassusaat pillugu naliliisoqartanngimmat, tassami inuit pineqartut sulisinnaassuseqanngimmata, taava sulisinnaassuseq pillugu nalilersueqqittoqassanngilaq.

Nr. 3

Tapit siusinaartumik pensionisiallip maannakkorpiaq aningaasarsiarisaasa aamma siusinaartumik pensionisiat tunniunneqartartut annertunerpaat akornanni assigiinngissutaasumut naapertuuttumik tunniunneqartassasut aalajangersakkami aalajangersarneqarpoq.

Najukkami atugassarititaasut pissutigalugit siusinaartumik pensionisialimmut siusinaartumik pensionisianik annikinnerpaanik akunnattunilluunniit isertitaqarfiusinnaasumik naleqquttumik suliffissamik pissarsisoqarsinnaatinnagu pisumi taamatut immikkut ittumi aalajangersagaq atornejqassaaq. Assersuutigalugu pisuni siusinaartumik pensionisialik suliffissamut aalajangersimasumik issuseqartumut piffimmi pineqartumi pissarsiarineqarsinnaanngitsumut innersuunneqarsimasinnaavoq.

Suliffissamik naleqquttumik innersuussinermi, siusinaartumik pensionisiallip siusinaartumik pensionisiat akuersissutigineqartut saniatigut aningaasarsiaasa naleqquttumik ilaneqarnissaat siunertarineqarpoq. Suliffeqarneq naleqquttoq nuna tamakkerlugu suliffeqarfefarfiimmut sanilliullugu nalilernejqassaaq, taamaammallu suliffissap innersuunneqartup siusinaartumik pensionisiaqartup najugarisaanit naleqquttumik ungasissutsip iluani nassaarineqarsinnaannginnera pisinnaavoq.

Tapinik piffissami killeqartumi tunniussinissamut aalajangersagaq periarfissii voq, immikkorluinnarlu pisoqarsimatillugu taamaallaat atornejqarsinnaasutut isigineqassalluni.

Tapeq ukioq 1 angullugu tunniunneqarsinnaavoq. Taamaaliornikkut tapiliussap qaammatini 3-innarni tunniunneqarsinnaanera periarfissaassaaq. Taamaalilluni tapiliussap ukiut ataasiakkaarlugit tunniunneqartarnissaa pillugu piumasartoqanngilaq.

Pineqartumut suliffissamik naleqquttumik misissuissalluni imaluunniit misiliilluni pilersitseriassalluni kommunalbestyrelse pisussaaffeqartoq aalajangersakkakut aalajangersarneqarpoq. Tapit tunniunneqartarnerat piffissami sivisunerusumi tunniuttarnissaat pisariaqartinneqarpat, piffissap tunniussiffiusup naannginnerani tamanna pillugu aalajangiisoqassaaq.

Nr. 4

Tapit akuersissutiginnissaannut piumasarineqartut allanngussappata, tapit atorunnaarnissaat aalajangersakkami aalajangersarneqarpoq. Sumiiffimmut allamut suliffimmik naammaginartumik isertitaqarfiusinnaasumut imaluunniit suliffinnik nutaanik pilersitsiffiusinnaasumut nuunnerit assersuutaasinnaapput. Tamanna aamma atuuppoq siusinaartumik pensionisialik suliffissamik naammaginartumik innersuussamik itigartitsisimappat.

Nr. 5

§§ 12 aamma 13 malillugit naliliinikkut nalileeqqinnikkullu sulisinnaassutsimut procentip aalajangersaaffiginera pillugu kommunalbestyrelsimit aalajangiinerit kisimik Siusinaartumik pensionisiaqarnermut maalaaruteqartarfimmut maalaarutigineqarsinnaanerat aalajangersakkatigut aalajangersarneqarpoq. Aalajangiinerit siusinaartumik pensionisiat tunniunneqarnerannut taamaallaat tunngassuteqartut Isumaginninnermi Naammagittaalliuuteqartarfimmut naammagittaalliuutigineqarsinnaapput.

Maalaaruteqarnissamut piffissaliussaq allanngortinneqassaaq, taamaalilluni isumaginninnermut sulianut tunngatillugu Isumaginninnermi Naammagittaalliuuteqartarfimmut naammagittaalliornissamut nalinginnaasumik piffissaliussamut naapertuuttunngussalluni

Nr. 6

Sulisinnaassutsip nalilersuiffigineqarnera pillugu aalajangiineq maalaaruteqarnermut ilaappat, Siusinaartumik pensionisiaqarnermut Maalaaruteqartarfup siusinaartumik pensionisiaqarneq pillugu maalaarutit aallaaviatigut tamaasa suliarissavai. Siusinaartumik pensionisiat pillugit maalaarutit sulisinnaassutsip naliliiffiginissaanut tunngassuteqanngitsut Isumaginninnermi Naammagittaalliuuteqarfimmit suliarineqartarput.

Maalaarummi sulisinnaassutsip nalilernerqarnera pineqarnera pillugu Siusinaartumik pensionisiaqarnermut maalaaruteqartarfik naliliinissaminut piginnaatitaavoq.

Siusinaartumik pensionisiat pillugit maalaarutit pillugit suliani maalaarutit assigiinngitsuutillugit, sulisinnaassutsip naliliiffigineranut tunngassutillit maalaarutigineqartut kisiisa pinnagit suliaq tamakkerlugu suliamik suliarinnissalluni Siusinaartumik pensionisiant maalaaruteqartarfik piginnaatinneqarpoq.

Sulisinnaassutsip naliliiffigineranut tunngasuni siusinaartumik pensionisiat pillugit maalaarutini, soorlu aamma ineqarnermut tapiissutinut imaluunniit utoqqalinersianut tunngasuni, sulisinnaassutsip naliliiffigineranut attuumassuteqarluanningsuni, Siusinaartumik pensionisiaqarnermut maalaaruteqartarfik suliap ilaanut siusinaartumik pensionisiaqarnermut tunngasunut suliaqarnissamut piginnaatinneqassaaq. Maalaarummi sammisat ilaat Isumaginninnermi Naammagittaalliuuteqartarfimmit suliarineqassapput.

Siusinaartumik pensionisiaqarnermut maalaaruteqartarfiup sulisinnaassutsip nalilersuiffigineqarnerinut tunngasut suliarisassagai aamma suliaqarfimmut immikkut suliat pillugit ilisimasaqarnissaq piunasaqaataasoq, piginnaaneqarfiit agguataarneqarneranni eqqarsaataavoq. Siusinaartumik soraarnerussutisialinnut Maalaaruteqartarfiup nammineq aalajangissavaa maalaaruteqartarfiup naammagittaalliuut qanoq suliarisariaqassanerlugu.

Nr. 7

§ 43, imm. 1, oqaaseqatigiit aappaanni aamma § 43, imm. 3-mi § 9, imm. 2-mut innersuussineq § 9, imm. 3-mut allanngortinneqassaaq, allanngortitsineq tamanna § 9, imm. 2-mik nutaamik ilanngussinermik pissuteqarpoq.

§ 2-mut

Imm. 1-imut

Siunnersuutip ullormi 1. januar 2021-imi atuutilernissaa siunnersuutigineqarpoq.